



Broj: UP1-05/1-23-007331/22
Tuzla, 25.02.2022. godine

Na osnovu člana 14. Pravilnika o načinu, uslovima, postupku i kriterijima utvrđivanja i trajanja privremenog obustavljanja održavanja polaska ili redova vožnje usled više sile ili vanrednog slučaja u cestovnom prometu („Službene novine FBiH“, br. 19/10) i člana 200. Zakona o upravnom postupku („Službene novine FBiH“, br. 2/98 i 48/99), Upute Federalnog ministarstva prometa i komunikacija o načinu realiziranja obustavljanja polazaka, povrataka, odnosno voznih redova, u uvjetima proglašenja nesreće izazvane pandemijom korona virusa (COVID-19) i etapnim početkom održavanja javnog linijskog prijevoza putnika broj: 1/6-27-769-1/20 od 14.05.2020. godine i Izmjenama i dopunama Upute Federalnog ministarstva prometa i komunikacija o načinu realiziranja obustavljanja polazaka, povrataka, odnosno voznih redova, u uvjetima proglašenja nesreće izazvane pandemijom korona virusa (COVID-19) i etapnim početkom održavanja javnog linijskog prijevoza putnika broj: 06-02-2-101-1/22 od 24.01.2022. godine, a na osnovu tačke I Odluke o davanju ovlaštenja sekretarima ministarstava, broj: 01-02-103-19/22 od 14.02.2022. godine, sekretar Ministarstva trgovine, turizma i saobraćaja donosi

R J E Š E N J E

o produženju važnosti privremeno registrovanih redova vožnje na kantonalnim autobusnim linijama

1. Privremenim redovima vožnje na kantonalnim autobusnim linijama koji su registrovani u Ministarstvu trgovine, turizma i saobraćaja TK, a čija važnost ističe 31.01.2022. godine, **produžava se rok važnosti do 31.12.2022. godine.**
2. Proglašenjem stanja prirodne nesreće izazvane pandemijom Corona virusa u proteklom periodu izvršena je ovjera privremenih redova vožnje na kantonalnim linijama do 31.01.2022. godine u skladu sa Javnim oglasom i proglašenim vanrednim stanjem kojim je prevoznicima omogućena redukcija postojećih redova vožnje.
3. Obzirom da su i dalje na snazi mjere za sprečavanje Corona virusa koje preporučuju smanjen obim kretanja građanstva to je potreba za produženjem privremenih redova vožnje, a koju su zatražili prevoznici koji obavljaju prevoz putnika na kantonalnim linijama, opravdana.
4. Rješenje stupa na snagu danom donošenja, a biće objavljeno i na službenoj web stranici Ministarstva.

O b r a z l o ž e n j e

Na osnovu Pravilnika o načinu, uslovima, postupku i kriterijima utvrđivanja i trajanja privremenog obustavljanja održavanja polaska ili redova vožnje usled više sile ili vanrednog slučaja u cestovnom prometu i Javnog oglasa o pokretanju postupka privremenog obustavljanja održavanja pojedinog polaska/povratka ili reda vožnje u FBiH objavljenog od strane Federalnog ministarstva prometa i komunikacija zbog proglašenja vanrednog stanja izazvanog pandemijom Corona virusa na području Federacije BiH, redovi vožnje na kantonalnim autobusnim linijama redukovani su po prijedlozima prevoznika i kao takvi se smatraju privremenim redovima vožnje sa rokom važenja do 31.12.2022. godine.

Obzirom da stanje pandemije izazvano Corona virusom još uvijek traje i da su od strane Federalnog štaba civilne zaštite izdate preporuke građanstvu da svoja kretanja svedu na razumnu mjeru, to je i potreba za produženjem privremenih redova vožnje uzročna posledica nastalog stanja i preporučenih mjera.

U skladu sa članom 14. Pravilnika, članom 200. Zakona o upravnom postupku, Uputom Federalnog ministarstva prometa i komunikacija o načinu realiziranja obustavljanja polazaka, povrataka, odnosno vozni redova, u uvjetima proglašenja nesreće izazvane pandemijom korona virusa (COVID-19) i etapnim početkom održavanja javnog linijskog prijevoza putnika broj: 01/6-27-769-1/20 od 14.05.2020. godine i Izmjenama i dopunama Upute Federalnog ministarstva prometa i komunikacija o načinu realiziranja obustavljanja polazaka, povrataka, odnosno vozni redova, u uvjetima proglašenja nesreće izazvane pandemijom korona virusa (COVID-19) i etapnim početkom održavanja javnog linijskog prijevoza putnika broj: 06-02-2-101-1/22 od 24.01.2022. godine, Ministarstvo je donijelo Rješenje o produženju važnosti privremeno registrovanih kantonalnih redova vožnje.

Rješenjem je, svim prevoznicima koji imaju registrovane privremene redove vožnje na kantonalnim autobuskim linijama, a čija je važnost istekla, produžen rok važnosti do 31.12.2022. godine.

Pouka o pravnom lijeku:

Protiv ovog Rješenja može se izjaviti Žalba Federalnom ministarstvu prometa i komunikacija Mostar u roku od 15 dana od dana prijema Rješenja. Žalba se predaje pismeno putem ovog organa sa uplatom administrativne takse u iznosu od 15,00 KM u obliku biljega (markice) u skladu sa Zakonom o federalnim upravnim pristojbama i tarifi federalnih upravnih pristojbi ("Službene novine FBiH", br. 6/98, 8/00, 45/10 i 43/13).

Obradio: B.T.

Dostavljeno:

1x web stranica Vlade TK,

1x Kantonalna uprava za inspeksijske poslove,

1x Kantonalna privredna komora TK - Sekcija za unutrašnji promet putnika,

1x Registar redova vožnje,

1x a/a



Po ovlaštenju Skupštine TK

SEKRETAR

Azra Gayranović
Azra Gayranović, dipl. pravnik